

## PEMILIHAN DAN KHIDMAT SOKONGAN PELAJAR

- mengambil tindakan yang sewajarnya ke atas PPT yang terlibat.
- v. PPT perlu mendapatkan surat pengesahan daripada KPT sekiranya tindakan yang dikenakan telah dilaksanakan sepenuhnya oleh PPT.

**Sumber:**

Keputusan Mesyuarat Kajian Semula Dasar-Dasar Berkaitan Jaminan Kualiti KPM-MQA Bil. 3/2013 bertarikh 5 Oktober 2013

Surat Makluman MQA Bil. 1/2013: MQA 07 Jld. 3 (81) bertarikh 21 Januari 2013

### 97. PINDAH KREDIT

- i. Pindah kredit boleh dilakukan dalam dua kategori seperti berikut:
- a. Vertical – pemindahan kredit daripada peringkat rendah ke peringkat yang lebih tinggi.
  - b. Horizontal – pemindahan kredit daripada program di tahap kelayakan yang sama seperti daripada sijil ke sijil/ diploma ke diploma/sarjana muda ke sarjana muda.
- ii. Pemindahan kredit hendaklah berasaskan kepada pemetaan kursus (*subject to subject mapping*).
- iii. Syarat umum pindah kredit adalah seperti berikut:
- a. Gred lulus – gred minimum iaitu gred C;
  - b. Nilai kredit – sama dengan nilai kredit kursus bagi program di PPT penerima;
  - c. Kesetaraan kurikulum kursus – tidak kurang 80%; dan
  - d. Kursus yang boleh dipindahkan kredit hendaklah daripada program yang telah mendapat Akreditasi (termasuk akreditasi sementara)/Pengiktirafan dari badan yang berautoriti di negara berkenaan.
- iv. Dasar pemindahan kredit secara **vertical** berdasarkan situasi adalah seperti berikut:
- a. **Pemindahan kredit daripada sijil ke diploma**  
  
Pemindahan kredit dibenarkan dengan pindahan maksimum 30% daripada jumlah kredit program yang akan diikuti  
  
Tarikh kuat kuasa 23 Mei 2016.
  - b. **Pemindahan kredit daripada diploma kepada sarjana muda**

## PEMILIHAN DAN KHIDMAT SOKONGAN PELAJAR

Pindah kredit dibenarkan sehingga maksimum 30% (lebih kurang 1 tahun pengajian) daripada jumlah kredit program yang akan diikuti.

c. **Pemindahan kredit daripada *advance diploma* ke sarjana muda**

Pelajar yang berkecayaan *advanced diploma* (yang turut memiliki diploma) boleh dipertimbangkan pemindahan kredit sehingga maksimum dua tahun pengajian program peringkat sarjana muda (pelajar akan mengikuti tahun ketiga program sarjana muda).

d. **Pemindahan kredit daripada keceayaan yang lebih tinggi (contoh sarjana muda) ke program di peringkat yang lebih rendah (contoh diploma)**

Pemindahan kredit tidak dibenarkan.

v. Dasar pemindahan kredit secara ***horizontal*** berdasarkan situasi adalah seperti berikut:

a. **Pelajar telah memiliki keceayaan dan ingin melanjutkan pelajaran kali kedua dalam peringkat yang sama dengan keceayaan yang dimiliki**

Pemindahan kredit dibenarkan.

Tiada had pindah kredit jika pelajar berada di PPT yang sama.

Bagi pelajar yang melanjutkan pengajian untuk kali kedua di PPT yang berbeza pindah kredit adalah tertakluk kepada tempoh permastautin pelajar (*residential year*).\*

Tarikh kuat kuasa 23 Mei 2016.

b. **Pelajar sedang mengikuti program dan ingin menukar ke program lain dalam bidang yang sama dengan program yang sedang diikuti**

Pemindahan kredit dibenarkan. Sekiranya program tersebut diambil di PPT yang sama, tiada had pemindahan kredit tertakluk kepada syarat pindah kredit.

Sekiranya program yang ingin diikuti di PPT yang berbeza, pemindahan kredit tertakluk kepada syarat permastautin pelajar (*residential year*).\*

## PEMILIHAN DAN KHIDMAT SOKONGAN PELAJAR

- c. **Pelajar gagal program dan ingin melanjutkan pengajian dalam program yang lain di peringkat yang sama**

Pemindahan kredit (termasuk MPW/MPU) tidak dibenarkan.

- d. **Pelajar berhenti belajar daripada pengajian dan kemudiannya ingin menyambung semula pengajian tetapi di dalam program lain di peringkat yang sama**

Pemindahan kredit boleh dipertimbangkan.

Sekiranya program tersebut diambil di PPT yang sama, tiada had pemindahan kredit tertakluk kepada syarat pindah kredit.

Sekiranya program yang ingin diikuti di PPT yang berbeza, pemindahan kredit tertakluk kepada syarat permastautin pelajar (*residential year*).\*

Sebagai panduan, lazimnya *currency of knowledge* bagi sesuatu program adalah sekitar 5 tahun.

- \* Tempoh permastautin (*residential year*) di PPT yang menganugerahkan kelayakan mengikut peringkat adalah seperti berikut:

- i. Ijazah sarjana/PhD : 1 semester
- ii. Ijazah sarjana muda : 1 tahun
- iii. Diploma dan sijil : 1 semester

- e. **Pelajar sedang mengikuti suatu program dan dalam masa yang sama mengambil beberapa kursus di PPT yang lain (contoh program mobiliti atau program pertukaran pelajar)**

Pemindahan kredit adalah dibenarkan tertakluk kepada tempoh permastautin (*residential year*) di PPT yang menganugerahkan kelayakan.

Tarikh kuat kuasa 19 September 2016.

### Catatan:

- i. Pindah kredit secara *horizontal* bagi program sarjana dan kedoktoran (kerja kursus dan campuran) adalah dibenarkan berdasarkan *case by*

## PEMILIHAN DAN KHIDMAT SOKONGAN PELAJAR

*case basis.*

- ii. Pindah kredit secara *vertical* dari sarjana ke kedoktoran adalah tidak dibenarkan.

**Sumber:**

Keputusan Mesyuarat Kajian Semula Dasar-Dasar Berkaitan Jaminan Kualiti KPM-MQA Bil. 1/2011 (bertarikh 12 Julai 2011) dan Bil. 3/2013 (bertarikh 5 Oktober 2013)

Keputusan Mesyuarat Kajian Semula Dasar-Dasar Berkaitan Jaminan Kualiti KPM-MQA Bil. 1/2014 bertarikh 5 April 2014

Surat JPT: GS1000-617 Jld.1 (44) bertarikh 23 Mei 2016

### 98. PINDAH KREDIT DENGAN GRED DAN TANPA GRED

i. **Pindah Kredit Dengan Gred:**

Pindah kredit secara *horizontal* bagi pelajar yang berada dalam sistem (pelajar yang masih dalam pengajian). Kredit dikira dalam kredit bergraduasi pelajar dan gred kursus diambil kira dalam pengiraan Purata Nilai Gred (PNG) dan Purata Nilai Gred Kumulatif (PNGK).

**Contoh :**

Pelajar yang sedang mengikuti Diploma A bertukar ke Diploma B pada semester kedua. Maka proses pindah kredit pelajar tersebut akan mengambil kira gred kursus dari Diploma A dalam pengiraan PNG dan PNGK pelajar di Diploma B.

ii. **Pindah Kredit Tanpa Gred (turut dipanggil pengecualian kredit):**

Pindah kredit secara *vertical* atau *horizontal* bagi pelajar yang telah keluar daripada sistem (pelajar yang telah tamat pengajian) atau telah mencapai tahap kompetensi dalam kursus berkenaan. Kredit kursus yang dipindahkan diambil kira dalam kredit bergraduasi tetapi gred kursus tidak diambil kira dalam pengiraan PNG dan PNGK pelajar.

**Contoh 1:**

Pelajar lepasan sijil menyambung pengajian ke peringkat diploma dan membuat pindah kredit bagi kursus-kursus yang bersesuaian. Maka kredit bagi kursus yang pernah diikuti di peringkat sijil akan diambil kira dalam pengiraan kredit bergraduasi pelajar. Namun, gred kursus tidak akan diambil kira dalam pengiraan PNG dan PNGK pelajar.

**Contoh 2:**

Pelajar yang telah tamat program Diploma A dan kemudian ingin